



Sabtu, 15 Juni 2024

Ogen : 1 Raja-raja 21: 8-16



Muat Kebun Anggur Nabot



Rumput tetangga selalu tampak lebih hijau. Pepatah e nuriken kerna ukur manusia si megati ermengga ate dengen morah ate kempak sikerajangen kalak si deban. Mengga ate e me salah sada i bas Pedah 10. Amin gia larangen ula ermengga ate lit bas urutan pe sepuluhken, tapi situhuna i bas la kita ngasup mbalengi sura-sura, mengga ate e banci mpeturah dosa-dosa sideban sierbahanca ceda ate Tuhan. Bagi si jadi i bas raja Ahab.

Raja Ahab si erkuasa, mengga atena juma anggur Nabot si ndeher ku istana. Buatna atena kebun e, itukurna atena tapi la ate Nabot erdaya, sabap e taneh pusaka ninina. Ban si e lanai Ahab banci tunduh, ndeharana Isebel si la malang man Tuhan, ngajuk ia gelah mahan-mahani salah Nabot. E maka ilakokenna bage, janah ituduhna Nabot alu tuduhen palsu, janah ibunuhna Nabot alu ndabuhkan ukumen mate. Alu bage itangkona juma Nabot ndai. Filipi 2:34 ngatakenca "*ula ibahanndu kai pe erpalasken kerangapen, ntah sierpalasken ukur meganjang.*" Sabap ulu kerina kejahatan e me kerangapen. Kekelengen si erlebih-lebih nandangi duit ras erta doni enda, mpemate kekelengenta nandangi Tuhan bage pe manusia. Sada si la ieteh Ahab, maka perbahanenna e idah Dibata nge kerina. Kentisik ngenca meriah, kedungenna i bas wari-wari si ku lebe enggo ertima ukumen Tuhan man bana ras isi jabuna. Kerangapen banci mereken kebayaken ras kepuasan, tapi kentisik ngenca. Sidatken kalak arah kerangapen labo kemalemen ate tapi mara ras kelesa. Ula mengga ateta sikerajangen kalak, pebias banta ras ngataken bujur kerna pemereNa sigenduari lit bas kita, e me si mehulina.